



অবিলম্বে প্রকাশের উদ্দেশ্যে: 7/22/2022

গভর্নর ক্যাথি হোকল

গভর্নর হোকল গর্ভপাত প্রদানকারী সেবাসমূহের সমর্থনে তহবিলের দ্বিতীয় রাউন্ডে 15 মিলিয়ন মার্কিন ডলার উপলভ্য থাকার ঘোষণা করলেন

তহবিলের অতীষ্ট লক্ষ্য স্টেটের সেইসব অঞ্চল যারা গর্ভপাত সেবার সুযোগ দিতে সর্বাধিক সমস্যার সম্মুখীন হয়

তহবিল সুযোগের দ্বিতীয় রাউন্ডের ব্যাপারে আরো জানুন [এখানে](#)

গভর্নর ক্যাথি হোকল আজকে ঘোষণা করলেন যে গর্ভপাত প্রদানকারীদের সমর্থন তহবিলের (Abortion Provider Support Fund) দ্বিতীয় রাউন্ডের মোট 15 মিলিয়ন মার্কিন ডলারের জন্য একটি আগ্রহের অনুরোধ (Solicitation of Interest) প্রকাশিত হওয়ার ঘোষণা করলেন, যা গর্ভপাত সেবা পাওয়ার সুযোগ বৃদ্ধি করার জন্য নিউ ইয়র্ক স্টেটের সংগঠন ও সেবাদানকারীদের জন্য উপলভ্য থাকবে।

"দেশজুড়ে যখন নারীর অধিকার কেড়ে নেওয়া হচ্ছে, তখন আমি অলস বসে থাকবো না," **গভর্নর হোকল বলেন।** "এই তহবিলের সুযোগ গর্ভপাত রোগীদের জন্য আমাদের দেশের শীর্ষস্থানীয় সুরক্ষাকে এবং সেবাদানকারীদের কাছে যাতে সেবাদানের জন্য প্রয়োজনীয় সমর্থন ও সংস্থান থাকে তা নিশ্চিত করতে আমাদের চলমান কাজকে আরো জোরদার করে। আমার নেতৃত্বাধীনে, নিউ ইয়র্ক সর্বদা গর্ভপাতের সুযোগের জন্য একটি নিরাপদ আশ্রয়স্থল হয়ে থাকবে।"

তহবিলের দ্বিতীয় রাউন্ড যোগ্যতা বিস্তৃত করে যাতে প্রথম পর্যায়ে সেইসব পরিবার পরিকল্পনা প্রদানকারী তহবিল পায়নি, অন্যান্য লাইসেন্সধারী সেবাদানকারী, এবং স্বাধীন ক্লিনিকসমূহ অন্তর্ভুক্ত হতে পারে। তহবিলের একটি উল্লেখযোগ্য অংশ তিনটি অঞ্চলে প্রদান করা হবে - পশ্চিম, সাউদার্ন টিয়ার, এবং নিউ ইয়র্ক সিটি - যেখানে *ডোবস বনাম জ্যাকসন* মামলার সিদ্ধান্তের ফলাফল হিসেবে, অবস্থানের ভিত্তিতে গর্ভপাত সেবার সুযোগ প্রদান করা সর্বাধিক কঠিন হবে।

নিউ ইয়র্ক স্টেটের স্বাস্থ্য কমিশনার ডাঃ ম্যারি টি. ব্যাসেট বলেন, "গভর্নর হোকলের নেতৃত্ব ও দৃঢ়তার কারণে, নিউ ইয়র্কে গর্ভপাত প্রদানকারীদের সমর্থনে এবং তাদের সক্ষমতা বৃদ্ধি করতে তহবিল প্রদান করা হচ্ছে। আমাদের 25 মিলিয়ন মার্কিন ডলার গর্ভপাত প্রদানকারীদের সমর্থন তহবিল দিয়ে, আমরা স্টেটব্যাপী গর্ভপাত সেবাদানকারীদের তাদের

সক্ষমতা সম্প্রসারণ করতে, তাদের সংস্থান উন্নত করতে, এবং তাদের অবকাঠামো অর্প্টিমাইজ করতে তাৎক্ষণিক বিনিয়োগ করতে পারছি।"

আবেদনকারীরা কমপক্ষে 300,000 মার্কিন ডলারের জন্য, এবং যোগ্য হলে প্রতিটি অতিরিক্ত স্বতন্ত্র ক্লিনিকের অবস্থানের জন্য 50,000 মার্কিন ডলার পর্যন্ত বা আগ্রহের অনুরোধে রূপরেখা প্রদানকারী সময়সূচি অনুযায়ী বিগত 12-মাস সময়কালে প্রদত্ত সেবার সংখ্যার উপর ভিত্তি করে অতিরিক্ত তহবিলের জন্য আবেদন করতে পারবে।

দ্বিতীয় রাউন্ডের তহবিলের সুযোগের ব্যাপারে আরো জানুন [এখানে](#)। আবেদন জমা দেওয়ার শেষ তারিখ, 12 আগস্ট, 2022, শুক্রবার।

[প্রথম রাউন্ড](#) চলাকালীন সময়ে, নিউ ইয়র্ক স্টেটের স্বাস্থ্য ডিপার্টমেন্ট (New York State Department of Health, NYSDOH) 63টি সাইটে বিস্তৃত 13টি কর্মসূচিকে 10 মিলিয়ন মার্কিন ডলার প্রদান করেছে যারা বর্তমানে সার্বিক পরিবার পরিকল্পনা কর্মসূচির (Comprehensive Family Planning Program) অধীনে অর্থায়িত হয়।

গর্ভপাত প্রদানকারীদের সমর্থন তহবিলের পাশাপাশি, গভর্নর [প্রজনন সংক্রান্ত স্বাস্থ্যসেবা কেন্দ্রসমূহের জন্য অপরাধ ন্যায়বিচার সেবা ডিভিশনের \(Division of Criminal Justice Services, DCJS\)](#) মাধ্যমে নিরাপত্তা অনুদান পাওয়ার সুযোগ করে দিতে 10 মিলিয়ন মার্কিন ডলার উপলভ্য করেছেন যাতে এই অত্যাবশ্যকীয় সেবাদানকারীদের নিরাপত্তা নিশ্চিত করার ক্ষেত্রে সাহায্য করা যায়।

এছাড়াও গভর্নর হোকল, ডাঃ ব্যাসেটের সাথে মিলে প্রজনন সংক্রান্ত স্বাস্থ্যসেবার গোলটেবিল বৈঠকের একটি সিরিজ শুরু করেছেন, যা ডাউনস্টেটে প্রথম রাউন্ডের অর্থপ্রাপ্তদের সাথে 12 জুলাই শুরু হয়েছে, সেবাদানকারীদের চাহিদা ও অভিজ্ঞতা, এবং কীভাবে নিউ ইয়র্ক রো-পরবর্তী সময়ে সমস্যার মোকাবেলা করছে এবং সেবা পাওয়ার সুযোগের সুরক্ষা করছে সেই ব্যাপারে আলোচনা করার জন্য।

রো বনাম ওয়েড পাল্টে দেওয়ার সুপ্রিম কোর্টের সিদ্ধান্তের পরবর্তীতে, গভর্নর হোকল একটি বলিষ্ঠ, বহু প্ল্যাটফর্মের, পেইড গণশিক্ষা [ক্যাম্পেইন](#) শুরু করেছেন, যাতে গর্ভপাত যে নিরাপদ, বৈধ এবং সবসময় অ্যাক্সেসিবল থাকবে এই সচেতনতার ব্যাপকবিস্তার নিশ্চিত করা যায়। স্টেটব্যাপী ক্যাম্পেইনটিতে রয়েছে বহু প্ল্যাটফর্মের বিজ্ঞাপনী প্রচেষ্টা, এবং একটি [নতুন](#) ওয়েবসাইট, যা নিউ ইয়র্কে গর্ভপাতের অধিকার, সেবাদানকারী, সমর্থন এবং পেমেন্ট বিকল্পসমূহের ব্যাপারে সকল তথ্যের জন একক গন্তব্য হিসেবে কাজ করবে।

জুন মাসে, নিউ ইয়র্কে রোগীদের ও সেবা প্রদানকারীদের গর্ভপাতের অধিকার আরো বেশি সংরক্ষিত, সুরক্ষিত ও শক্তিশালী করতে [গভর্নর হোকল ছয়টি বিলের একটি সমন্বিত প্যাকেজ স্বাক্ষর করেছেন](#)। বিধিমালাটি অনেক ধরনের আইনি উদ্বেগের সমাধান করতে বিশেষ পদক্ষেপ গ্রহণ করে, যেমন সংরক্ষিত অধিকারের ব্যাপারে অবৈধ হস্তক্ষেপের জন্য একটি কার্যের কারণ স্থাপন করা এবং গোপনীয়তা সংক্রান্ত সমাধান কর্মসূচিতে (Address Confidentiality Program)

গর্ভপাত প্রদানকারী ও রোগীদের অন্তর্ভুক্ত করা। এছাড়াও নতুন বিলগুলি যেইসব স্টেটে এই সেবা অবৈধ সেখানকার রোগীদের প্রজননসংক্রান্ত সেবা প্রদান করার ক্ষেত্রে স্বাস্থ্যসেবা প্রদানকারীদের বিরুদ্ধে অসদাচরণের অভিযোগ নিষিদ্ধ করে এবং বৈধ সেবা প্রদান করে এমন গর্ভপাত প্রদানকারীদের বিরুদ্ধে বিরূপ পদক্ষেপ নেওয়া থেকে ম্যালপ্র্যাকটিস বীমা কোম্পানিগুলিকে প্রতিহত করে।

এই মাসের শুরুর দিকে, নিউ ইয়র্ক স্টেটের সংবিধানে গর্ভপাতের অধিকার প্রতিষ্ঠা করার প্রথম ধাপ [পাশ করা হয়েছে](#)।

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418